

10067  
:48





皇朝文獻通考卷七十六

學校考十四

視學養老



臣等謹按禮記天子視學遂適東序養老孔穎達

疏謂視學虞庠釋奠既畢明日乃之東序而養老

蓋兩事也馬端臨謂古者視學之禮專以養老而

設後世乃分爲二事其實視學以明道養老以教

孝二者不可偏廢在昔有虞氏貴德而尚齒舜

姓知所親而五品於以遜降自三代亦未有不



序之教而申之以孝弟忠信者迨至東漢承  
後周保定皆襲虛文而遺實意雖奉行故事實  
焉我

國家撫有區夏文命敷於寰海率育普於羣黎加以  
神聖代興扶倫植教

欽頒

御纂諸經發明

先聖微言以

嘉惠多士猶復

躬詣太學展禮

先師

視學講堂閱宣精蘊使天下萬世咸仰

聖道之尊而羣沾

聖教之澤至於崇高年敬有齒粟帛之

頒遍乎耄耄鄉飲之典周乎郡國而且

賜幣

賜食扶掖

視飲復



命宗人子姓執爵行觴聚千叟而開筵過百齡而加錫  
乎曠典無以尙已我

皇上懋修敬學惇敘彝常闡

御論於

經筵契心源於古聖而

臨廡勸學於儒臣進講之餘復取先儒未發之奧義而

申論之廣大精微超舜謨而軼禹範自古帝王視學以

式來未有倫比若夫引年卹老

旌賞頻仍

寵遇耆臣臣皆合養未爲一門直書

優獎耄上下逮老民老婦或厚爲

賚予或責以

天章異數

殊恩非臣民意計所敢望而

錫類推仁至優且渥焉是以經術彰而人知學彝倫敘

而民不偷初不必拘執經祝嘏之文而道立於

上教成於下合秀頑愚智之倫胥沐乎

文明之化而遊乎



仁壽之域也至禮經所載有視學之典無幸學之文而馬考稱視學為幸學其沿襲漢唐諸史之舊稱歟我

世宗憲皇帝稽古考文

特命奏章記注改幸為詣以申崇敬重道尊師之禮曠古

獨隆臣等已謹載

詣學釋奠為祠祭褒贈一門茲則別採

詣學典禮有

視學儀節者合養老為一門直書謂視學昭其實也

順治元年舉貢介等致各員懇呈請存案

恩詔軍民年七十以上者許一丁侍養免其差徭八十以

上者給與絹一疋綿一劬米一石肉十劬九十以上者

倍之有德行著聞為鄉里所敬服者給冠帶榮身此優

老之始嗣後

覃恩並如此例更不複書

令京府及直省府州縣舉行鄉飲酒禮每歲於正

月十五月初六日舉行鄉飲酒禮設賓介主人

大衆賓之席順天府以府尹為主任直省府以知府州



以知州縣以知縣為主大賓擇鄉里年高有德者  
位於西北介以次長位於西三賓以賓之次者為  
之位於賓席之西眾賓序齒列坐司正主揚觶以  
爵恩並教職為之贊禮讀法以生員為之讀律令曰律令  
之序齒飲酒序長幼論賢良高年有德者居上其次  
士者儀則揚觶者以禮責之一曰肉十噉八十以上皆  
賜軍五年順天府舉行鄉飲酒禮嗣後每歲由順天府  
視學儀真題將所舉賓介等姓名履歷呈部存案

八年添以士女官三品以上女官三品以上女官

上幸太學釋奠於先聖古制重許順以士八賦階恭獻奇

先師孔子

視學藝倫堂

先期禮部具題行取衍聖公率孔顏曾孟仲世襲

五經博士及孔氏族五人顏曾孟仲族各二人乘

傳赴京觀禮其五氏子孫現任京職者咸與祭至

是

大內致齊一日王以下公以上文官三品武官二品



大翰詹官七品以上暨國子監官成齋戒陪祀司設  
監設更衣大次於大成門外之左南向設拜位於  
神前設

御座於養倫堂正中鴻臚寺設經案於堂內之左設講案  
二於堂內左右至日置經於經案陪祀者自和碩  
親王以下多羅貝勒以上俱赴

午門內候隨

駕部院各衙門滿洲蒙古漢軍侍郎以上八旗都統精奇  
尼哈番以上文官三品以上武官二品以上及翰

林院七品以上官俱先詣廟丹墀東西相向序立  
應在啟聖祠者在啟聖祠恭候本日卯刻

駕從長安左門出鹵簿大樂以次前導樂設而不作至成  
賢街國子監滿漢祭酒司業服朝服率學官諸生  
於街左跪迎

駕至櫺星門外降輦贊引官恭導由中門入至大次少憩  
太常寺卿奏請行禮

上盥洗更衣入大成中門升中階入殿中門北嚮立分獻  
官入右側門至階下夾甬道立王公入左右門由



皇朝文獻通考 卷一百一十六  
中階左右升文武官員於廟庭左右均北面東西  
序立衍聖公在東班之首五經博士及五氏有官  
者以其官序諸生在東班之末序立典儀贊樂舞  
生就位執事官執事贊引官贊就位

上至拜位諸王貝勒陪祀分獻官亦各就位贊迎神樂作  
樂止贊引官贊

上行兩跪六叩首禮通贊諸王貝勒及分獻陪祀官行禮  
同叩首畢贊釋奠禮樂作獻帛官跪進篚

上立受篚拱舉獻畢復授獻帛官奠於神位前獻爵官跪

進爵

上立受爵拱舉獻畢復受獻爵官獻於神位前樂三奏酒  
一獻不讀祝其分獻官以次詣神位前奠爵訖仍  
以次退就原拜位樂止贊送神樂作贊引官贊

上行兩跪六叩首禮通贊諸王貝勒及分獻陪祀官行禮  
同叩首畢獻帛官詣

先師神位前捧帛由中門出贊引官贊禮畢導

上出大成門樂止

上至大次少憩更衣諸王貝勒候隨



各官行聖公祭酒博士等先詣彝倫堂  
上分班侍立祭酒司業學官等率領諸生於太  
學門內兩丹墀分班侍立禮部官入奏請

上幸彝倫堂

上至樞星門外陞輿從大學門入衆官諸生以次跪迎

王貝勒隨

駕入彝倫堂

上陞御座諸王貝勒在堂內各官仍於堂外臺上分班侍

立鴻臚寺官贊衍聖公祭酒司業學官五經博士

在臺上四氏子孫及諸生在臺下丹墀序立贊行

三跪九叩首禮畢

上諭坐諸王貝勒叩首坐在部院衙門滿洲蒙古漢軍侍

郎以上八旗都統精奇尼哈番以上衍聖公及陪

祀漢文官三品以上武官二品以上俱入堂叩首

坐祭酒等仍在外侍立鴻臚寺官贊進講滿漢祭

酒從東小門入滿漢司業從西小門入俱北向出

鴻臚寺官贊起案執事官舉經案設於四品以下

上前官坐祭酒司業滿漢司業贊進講滿漢祭酒



賜講官坐祭酒司業就講案叩首坐滿漢祭酒以次講易  
經滿漢司業以次講書經其餘翰林官四品以下  
及五經博士并各執事官學官諸生圍立於外以  
聽講畢鴻臚寺官贊起案執事官舉經案置原處  
畢祭酒司業退就本位序立鴻臚寺官於堂正中  
跪奏傳制鳴贊官贊跪祭酒司業學官諸生皆跪  
制曰聖人之道如日中天講究服膺用資治理爾師生其  
勉之宣制畢復贊行三跪九叩首禮畢祭酒司業學官

諸生以次退先於成賢街之右序立

上賜諸王貝勒各官茶畢鴻臚寺跪奏禮畢  
上起陞輿出國子監鹵簿大駕大樂振作前導祭酒司業

駕至跪送諸王貝勒隨至  
午門內候

賜宴禮部越三日癸巳  
駕還官退翼日壬辰衍聖公及祭酒等上表行禮

賜衍聖公五經博士四氏子孫祭酒司業等冠服及勅







上幸大學釋奠於

先師孔子

視學兼備堂典禮儀節具如順治八年例行先期遣官取

衍聖公孔毓圻及孔顏會孟仲五經博士并族人

赴京陪祀觀禮是日衍聖公孔毓圻率祭酒司業

學官五經博士五氏子孫各監生恭進謝表

賜衍聖公祭酒以下等官宴於禮部并

賜袍服其助教監生等官各

賜銀兩有差陪祀聖賢後裔顏光毓等照例優敘生員孔

興詢等十五人令人監讀書廣本監鄉試中額八

名額

勅諭刊掛彙倫堂勅曰國體並奉本誠濟至日慈濟教世

皇帝勅諭祭酒司業等官朕惟聖人之道高明廣大昭垂

萬世所以興道致治敦倫善俗莫是外也朕纘承丕業

文治誕敷景仰先聖至德今行辟雍釋奠之典將以鼓

舞人才宣布教化爾等當嚴督諸生潛心肄業諸生亦

宜身體力行朝夕勤勵若學業成立可裨任用則教育



有功其或董率不嚴荒乃職業爾等係師生難辭厥咎  
尙其勉之母忽

天監四十二年定給百歲老民昇平人瑞匾額例先是

九年定命婦孀居壽至百歲者給與貞壽之門匾

額仍給建坊銀兩至是禮部議准百歲老民照例

給銀建坊仍給匾額並準老婦壽至百歲者建坊

應額與命婦同

五年以人令入監禮書與本監中殿八

萬壽聖節

優賜老民是時 千八百二十三年六月十八日奉

上奉 上旨一千八百二十三年六月十八日奉

皇太后自暢春園回宮耆老等跪獻萬年壽觴

上停輦慰勞徧賜老人壽桃及食品

命賜老人筵宴

諭大學士等今歲天下老人為朕六十大慶皆從數千里

匍匐而來賜伊等筵宴遣回著查八旗滿洲蒙古漢軍

漢人大學士以下民以上年逾六十五歲者奏聞擇日

賜宴有不能來者朕另行按分頒給再查八旗滿洲蒙



皇朝文獻通考 卷七十六  
古漢軍以至內府佐領下不論官員閑散人等年七十以上老婦亦著奏聞俟老人賜宴後再定一日送皇太后宮賜宴有貧乏不能來者著各屬協助車馬使之前來再勅宗人府諸王以下宗室子孫內二十歲以下十歲以上者選擇聰明堪供任使六七十人令於耆老前執爵卽朕子孫皆令之出宗室外不用他人也越翼日宴直隸各省漢大臣官員士庶人等年九十以上者三十三人八十以上者五百三十八人七十以上者一千八百二十三人六十五歲以上者一

千八百四十六人於

暢春園正門前傳

諭衆老人曰今日之宴朕遣子孫宗室執爵授飲分頒食品爾等與宴時勿得起立以示朕優待老人至意並

諭曰書稱文王善養老孟子曰七十非帛不煖非肉不飽帝王之治天下發政施仁未嘗不以養老尊賢爲首務近來士大夫只論居官之賢否而移風易俗之實政入孝出弟之本心未暇講究朕因今日之盛典特宣此意若孝弟之念輕而求移風易俗其所厚者薄而其所薄



者厚矣爾等皆是老者比回鄉井當各曉諭鄰里須先  
孝弟倘天下皆知孝弟此誠移風易俗之本也是日  
命扶掖八十歲以上老人至

御前

親視飲酒

賜年老諸大臣袍帽等物直省各老人白金有差

命給年老致仕閒居大臣誥封及宮保銜以示優崇耆舊

至意八旗滿洲蒙古漢軍大臣官員護軍兵丁閑散人  
等年九十以上者七人八十以上者一百九十二

人七十以上者一千二百九十四人六十五以上  
者一千二百八十八人宴於

暢春園正門前其執爵頒賜飲酒一如前儀八旗滿  
洲蒙古漢軍七十歲以上婦人齊集

暢春園

皇太后宮門前隨

召九十歲以上者入宮門內八十歲以上者至丹墀下

十歲以上者集宮門外大臣妻年老者亦皆

召至宮門內



賜坐

皇太后親視頒賜茶果酒食等物其餘令諸皇子及宗室

子孫以次頒給又賜大臣妻年老者衣飾絲綢

珠銀兩

五十三年

賜八旗滿洲蒙古漢軍年老婦人白金有差

又

賜熱河居住耆老白金有差

六十一年正月 二十三日二十四日六十五以上

賜千叟宴

召滿漢大臣文武官員及致仕退斥人員年六十五以上

者三百四十人宴於

乾清宮前

命諸王貝子貝勒公及閒散宗室等授爵勸飲分頒食品

如前禮

臣伏惟

國家

重熙累洽朝野多康強而仁壽加以英大



列聖繼繩深仁濺澤浹膺淪肌於是耆英大老或列在廊

廊或

恩加予告崇階厚秩引養引恬我

皇上御極以來優老崇年之

詔歲不絕書若

賜騎授杖

賜俸晉銜

賚予駢蕃

天章炳煥皤皤黃髮衰齒頽齡罔不邀

寵於

聖朝而銜恩於數世以及耆官野老耄耄期頤或循例

建坊或加賞銀幣凡優養

隆恩非學校一書載筆能盡者更不備書其有年過百

齡如再闕古稀身列膠庠而歲登大耋拜

賜鴻章仰承

溫諭者特類聚以紀實每舉要以發凡至於千叟之宴

九老之會則又

殊恩曠典合



先後聖而同揆所宜大書特書以表人瑞於  
昇平彰國老庶老之養遠軼古初者也

雍正元年崇鄉飲酒禮之制奉  
上諭鄉飲酒禮乃敬老尊賢之古制近聞年久視為具文  
所備筵讌亦甚草率應加謹舉行是年順天府舉行鄉

飲酒禮

特命禮部堂官前往監禮歲以為常

申定優老之令

上諭戶部恩賜老人原為崇年尚齒而地方賞老人者每

州縣動支數千金司府牧令上下通同侵扣吏役任意  
需索老人十不得一今飭督撫嚴查不許絲毫侵扣再  
老人九十以上者州縣不時存問

二年

詔改幸學為誦學

諭禮部帝王臨雍大典所以尊師重道為教化之本朕覽  
史冊所載多稱幸學而近日奏章記注相沿未改此臣  
下尊君之詞朕心有所未安今釋萊伊邇朕將親詣行  
禮嗣後一應奏章記注將幸字改為誦字以伸崇敬



三月

上詣太學釋奠於

先師孔子

視學彝倫堂先是正月

上諭禮部朕於三月內舉行視學釋奠大典定例衍聖公

應行陪祀聞孔傳鐸有疾且值守制之初可令伊子弟

一人來京代伊行禮至是釋奠禮畢

上御彝倫堂王以下及衍聖公孔傳鐸子孔繼溥祭酒司

業文武各官行禮畢

賜坐隨命講官坐滿漢祭酒以次講大學滿漢司業講書

經翰林官及五經博士五氏子孫國子監官員進

士舉人廩貢監生序立拱聽於堂下講畢宣

制曰聖人之道如日中天講究服膺同資治理爾師生其

共勉之宣畢

賜王以下各官茶

上回宮隨

頒賜諸生食品典禮俱與康熙八年同其在京進士舉人

與觀禮者及貢監生同



賜銀兩各氏後裔送監讀書者十有五人廣監中鄉試中額十有八名

增定

恩賞老人例定例年逾百齡者奏給坊銀三十兩并昇平人瑞匾額至是奉

上諭年至一百一十歲加一倍賞賜至一百二十歲加兩倍賞賜更有多得壽算者按其壽算加增著爲定例

乾隆元年更定優卹者士之典是時  
恩詔內凡民人年七十以上者免一丁侍養八十以上

者給八品頂帶榮身

上以直省生監中有年登耄耄者未邀恩賜於引年尙齒之典未備

特諭直省凡屬生監年七十以上者優免一丁年八十以上者給與八品頂帶

更定

恩賞壽民之例定例各省老民老婦前經旌賞者遇有恩詔不得再行給賞至是豫省新鄉縣老婦劉氏年一百十五歲因雍正十二年間一百十三歲時曾經



題准建坊賞賜至此又逢

恩詔不得入冊事

聞奉

上諭劉氏躋此罕有之貞壽自應一體沾恩以昭曠典  
著該地方官仍造入恩賞冊內使伊得被光榮各直  
省老民老婦凡年登百歲已蒙旌表者俱仍加賞賜  
以示優待壽民之意永著為令

二年嚴鄉飲大賓之選  
禮部議准嗣後所舉賓介務貴齒德兼優允協鄉

評者舉之如地方官徇情濫舉即應題叅若所舉  
得人而不法之徒或藉端阻撓者嚴加究治

三年二月

上詣大學釋奠於

先師孔子

視學藝倫堂典禮儀節俱與雍正二年同先是二年十

二月奉

諭先師孔子聖集大成教垂萬世我

皇祖聖祖仁皇帝



皇考世宗憲皇帝親詣辟雍登堂釋奠儒臣進講經書諸  
生圍橋觀聽雍雍濟濟典至盛也朕祇承丕緒嚮慕  
心殷國學文廟特命易菴黃瓦以展崇敬俟工程告  
竣之日朕躬詣釋奠用昭重道隆師作人造士至意  
復

命東野氏冉氏卜氏端木氏言氏顓孫氏之五經博士  
俱照閔氏仲氏子孫例行取陪祀其東野閔冉等氏  
各二人赴京觀禮至是釋奠畢  
上召王以下文武大臣入堂內

賜坐翰林院五經博士諸氏子孫及學官進士舉人廕  
生貢監等俱拱立堂外

上賜講官坐滿漢祭酒講天命之謂性一章講畢

上曰天命之謂性率性之謂道是本一貫之理也亦猶  
無極而太極太極而陰陽陰陽本太極太極本無極  
也蓋道本乎性性本乎天至云修道之謂教則有人  
力之施為而已非道之本原矣故論其本原無所為  
離與合也至有道之可名於是乎須臾不可離且戒  
之曰可離非道而戒懼慎獨之功亦莫不因修道而



起不知喜怒哀樂之未發卽天命也謂之中卽性也  
發而中節卽率性也謂之和卽道也豈非天下之大  
本達道乎故曰致中和天地位焉萬物育焉若曰天  
地自位萬物自育而已倘視喜怒哀樂未發以下爲  
慎獨功夫殊失子思子之本指矣滿漢司業講尙書  
曰若稽古帝堯一節講畢

上曰堯典紀堯之德以欽始以欽終欽明本堯之德至  
二女之嬪虞亦教之曰欽哉則聖人之心無時無事  
之不主敬可知矣夫人心惟危敬則不至於危道心

惟微敬則不患其微以至精一執中含敬其何以爲  
功耶是故主敬爲至要亦惟主敬爲至難帝堯之聖  
猶兢兢業業之弗遑况在常人豈可斯須去敬以自外於  
聖人之教哉時堂內外文武官及進士舉人貢監等跪聆  
聖諭莫不心悅誠服大學士等奏曰京師官民同仰  
皇上闡揚經書義蘊廣大精微皆先儒所未及真帝王  
傳心之要也祭酒司業率學宮諸生俱跪官  
制曰聖人之道如日中天講究服膺用資治理爾諸師  
生其勉之祭酒率學宮諸生謝



恩王以下文武各官復坐

賜茶畢並

賜諸生食品禮部國子監帶領衍聖公孔廣森等引

見奉

諭旨爾等皆聖賢後裔因朕臨雍來京特行召見爾等  
既爲聖賢之後卽當心聖賢之心凡學聖賢者非徒  
讀其書而已必當躬行實踐事事求其無愧方爲不  
負所學况身爲聖賢子孫尤與凡人不同若不能實  
加體驗徒務讀書之名實於祖德家風不能無忝爾

等務須勤思勉勵克紹先傳以副朕諄切期望之意

賜衍聖公國子監祭酒以下與雍正二年同加

賜衍聖公聖裔五人五經博士

御製樂善堂文集各一部及貂皮徽墨有差凡

先聖先賢後裔來京觀禮者俱令入監讀書并廣本

年監中鄉試中額十八名

八月上丁

上詣太學釋奠

先師孔子



九年二月十八年八月二十一年二月並如此

互見祠祭門

五年

恩賞年過百齡命婦時命婦索綽羅氏年一百二歲其

子孫五世同居

萬壽節扶掖入

朝照例旌表加

恩賞賜並

御製詩章賜之

淑範能修四德賢飲和獨占萬民先百齡瑞慶傳都

下五代孫曾繞膝前天上拜恩沾雨露人間不老總

神仙更期壽世多黃髮共樂昇平大有年

六年

恩賜耆民時

上幸熱河至常山峪耆民趙可立年一百二歲迎謁道左

御製詩一章

龐翁皓髮扶鳩杖道左携兒望翠華為說平生無外

慕村居勤樸課桑麻



八年

上駐蹕

盛京詣

文廟行禮

互見祠祭門

賜父老脯並

御製詩一章

父老居豐沛久蒙煦嫗恩百年今宴安同為太平人

雖無見知者尙有聞傳言錫宴思

皇祖在此大清門今我來故家匪為騁遊巡三爵循古典

炮兔亦烹豚白金以級頒百戲良具陳酌酒賜爾飲

爾醉我亦欣還念爾先民曾同百戰勳

九年

恩賞壽民時巡撫開泰以楚省壽民湯雲山一百四十

一歲請

旌

上以此非尋常期頤之壽可比奉

特諭賞給上用緞五疋銀五十兩再加恩特賜再閱古

稀匾額以旌人瑞並



皇朝文獻通考 卷一百一十六  
書御製詩一章賜之

常見六星輝楚地曾無一字獻丹楓老翁真是仙而  
隱舉世應推壽且雄矍鑠他年將比竇春秋此日已  
逾種生平無病不知藥耄耄有時還似童合宅孫曾  
凡幾閱一心念慮若爲空漢陽草樹連天碧彷彿猶  
存太古風

十一年

恩賞壽民

上幸五臺經唐縣老民劉永壽年一百一歲接

篤道左行不扶杖

命賜之金與食

御製詩一章

睥睨山中古郡城征鞭暖拂杪秋晴趨迎道左吾之  
子萬億人中汝是兄聲亮耳聰鍾氣粹蒼眉黃髮稱  
耆英應緣獨得羅喬術靈壽無須此地行

至十五年

上幸五臺劉永壽年百有五歲扶杖迎

駕



皇朝文獻通考 卷七十六  
恩加賞賚并

賜以

御製詩章

高年一歲度如旬百五春秋豈易臻重見期頤迎蹕路幾書亥字與時人自云老矣今扶杖我道仙乎爲駐輪矍鑠精神教孫子力田孝弟作良民

十二年

恩賜百歲耆臣先是致仕禮部侍郎銜內務府總管丁皂保年登九十

御製詩二章賜之

舊日春卿貳清時萬石君目光猶奕奕衷赤尙勤勤樂易故應爾忠良衆所聞泰平無戰伐馬援漫從軍未解彭佺術曾將灌絳齊林泉應樂齒珂馬尙聞鷄菊水無須井丹霞自有梯所期職植衆難老總眉梨至是禮部以內務府總管丁皂保百歲應照例建坊奉

諭旨賜朝衣一襲上用緞十足銀千兩並給期頤國瑞

匾額



十六年

上南巡 恩賞經過州縣老民先是

上所經過之地遇有老民接

駕者皆

命親隨侍衛

頒給養老銀牌其貧窘者加賞白金至是又奉

上諭朕問俗省方翠華所至黃耆台背皆策杖歡迎雖

已於途次各加恩賜而優恤高年推恩宜渥著各督

撫查明經過州縣男婦年七十以上者照從前恩詔  
之例分別賞賚至二十二年二十七年三十年

南巡

恩詔並如此例

優賜耆臣時翰林院侍講劉起振年一百三歲自粵至

浙接

駕

恩加優賞並

御製詩章賜之



台背登隆肩來瞻蹕路邊成名後梁灝得壽擬彭篪  
人瑞今猶古經傳後繼前越都無慮遠應是地行仙  
又

優恤壽民是時叩祝

皇太后萬壽已到京之老民老婦俱經賞賚仍令該地方  
官護送還鄉井

詔將次赴京稱祝之壽民俱著地方官從優護送回籍

又

賜生員詹星斗國子監學正職銜賞給緞疋

上諭生員詹星斗年屆期頤實為膠庠人瑞著加恩給  
與國子監學正職銜仍於常例外賞給上用緞疋疋

十七年

恩賞會試下第者老諸生八十以上者給與翰林院檢  
討職銜七十以上者給與國子監學正職銜至三

十六年

恩賞會試下第者老諸生並同此例

十八年

恩賜國子監耆耄儒臣先是十七年學正王挺年因七



以進會試下第奉  
旨補授額外司業至是奉

上諭國子監助教曹洛禮年逾大耋精力康強分教成  
均蔚為耄宿著加恩授為國子監司業額外行走

更定鄉飲酒禮儀禮部奏言各省舉行鄉飲酒禮  
事不畫一且竟有頻年不舉致曠大典者應令督

撫轉飭各屬府州縣遵照定例於正月十月舉行  
二次其賓介之數據舊禮所載鄉飲酒圖有大賓

介賓一賓二賓三賓眾賓與大僕一僕二僕三僕

之名按儀禮賓若有尊者諸公大夫則既一人舉

觶乃入注言今文遵為僕又曰此鄉之人仕至大

夫者來助主人樂賓主人所榮而遵法者也又曰

不干主人正禮也又按經文主人親速賓及介而

眾賓自從之至於門外主人拜賓及介而眾賓自

入其獻酬辭讓之儀甚繁及介已省至於眾賓升

受坐祭卒飲不酢而降皆無一言及僕者所謂不

干主人正禮者也嗣後應令順天府及直省府州

縣先期訪紳士之年高德邵者一人為賓次為介



又次爲衆賓皆由州縣詳府尹督撫覈定舉其  
本地有仕至顯官偶居鄉里願來觀禮者依古禮  
坐於東北順天府及直省會城一品席南嚮二三  
品席西嚮各府州縣三品以上席南嚮四五品席  
西嚮無則闕之不立一僕二僕三僕之名不入舉  
報之內仍將所舉賓介造具姓名籍貫清冊送部  
存案倘鄉飲後間有過犯按所犯輕重詳報褫革  
咨部除名并將原舉之官議處從之  
十九年

上謁

三陵

恩賞耆民先是八年

上謁

三陵

詔奉天吉林所屬旗民男婦年七十以上者分別賞資  
至是悉照例行

二十年

賜安徽百齡生員姚光虞緞一疋銀十兩



上南巡

恩賞江浙老民奉

上諭朕奉

皇太后鑾輿載巡江浙所至黎庶愛戴情殷夾道焚香歡

迎輦路而鶴髮皤然扶携恐後尤堪軫念所有江浙

一省男婦俱著加恩照從前恩詔例賞資以示優老

引年之意至二十七年三十年

南巡並如此例

恩賞駐防旗人耆老

詔江寧京口杭州乍浦等駐防旗人男婦自年七十以

上者查明分別賞資至二十七年三十年

南巡並如此例

恩賞耆耄儒臣奉

上諭顧棟高年登耄耄經術湛深著加恩賜以國子監

祭酒銜又奉

上諭秦壽然著加恩賞給翰林院編修職銜秦芝田著

賞復知縣原銜秦東田莘田俱賞緞一疋



二十四年

上諭關里調

孔林

恩賞耆老官兵先是十三年

上東巡

加賞經過州縣高年男婦至是仍

命照例分別賞賚又

詔德州青州駐防官兵年七十八十以上者查明賞賚

又

恩賞壽民奉

諭旨禮部議覆福建巡撫題詔安縣民沈起龍年登百

歲五世同堂夫婦齊眉子孫繞膝洵屬昇平人瑞宜

推優老之恩益懋敦倫之化親製詩章並書匾額以

賜仍著賞上用緞三疋以示寵異

六星臨海嶠五世茂昌枝葉井風原美充閭慶益滋

睦雍堪勵俗和順自延禧鳩杖康強倚篠駢左右隨

子孫無析簪夫婦又齊眉百歲亦恒有如翁全者誰

二十五年又申定直省鄉飲照京府責成藩司核



實之例向例直省舉報鄉飲由儒學州縣具詳該  
三管官其中不無冒濫滋弊部議請照京府之例責  
成布政使核實報明督撫察核存案不得其人卽  
六詳明停止不得拘於成例苟且塞責

二十六年  
恩賞壽民廣東南海縣民楊能啟妻黃氏百歲同臻  
特賜期頤偕老匾額並  
御製詩章賜之  
年登百歲已堪欣偕老期頤古未聞便是寶公無內

子欲羸羅氏有夫君兒圍孫繞唱隨叶五嶺三山瑞  
氣氲四字旌閭更成詠祥徵慶典蔚

慈雲

皇太后七旬萬壽

恩詔滿洲蒙古漢軍兵丁及內扎薩克喀爾喀等蒙古  
年七十八九十以上者分別賞資至百歲題明給  
與建坊銀兩餘悉照從前

恩詔例

皇明文獻通考

卷七十六

禮



恩賞耄耋儒臣奉

上諭編修傅王露檢討職銜周中規年登耄耋遠來京

師獻冊慶祝洵昇平人瑞著賞給贊善職銜並級二

正

大司舉九老會

命遊香山以優遇之在朝王大臣九人共六百七十七

歲在朝武臣九人共七百二十二歲致仕諸臣九

人共七百四歲

二十八年

恩賞壽民山東章邱縣壽民王欣然壽一百三歲弟瑞

然壽一百歲

上以昆季一堂期頤萃慶

特加優賞並

御製詩章賜之

清水由來廖氏泉雞山今有地行仙不希終嘏及純

嘏罕見欣然與瑞然棠棣枝同椿樹茂鵲鶴羽共鶴

翎翮友于篤愛勤耕讀致壽斯宜表厥賢

又



上謁

東陵

幸盤山

恩賞壽民奉

上諭此次接駕之寧津縣壽民年一百三歲之李友益

著給賞銀牌一面緞二疋伊子年八十六歲之李三

貴八十四歲之李三剛八十一歲之李三強並伊姪

孫八十歲之李知毅著每人賞給銀牌一面緞一疋

又

賜李友益匾額並

御製詩章

期頤旌瑞見常年罕觀如斯五代全百歲春秋侍孫

子一身矍鑠撫曾元侄邪懿範猶當遜羅貫高齡祇

獨傳閭里淳風世仁壽養恬引欲溥垓埏

三十年

上南巡

恩賞耄耋文武諸臣浙江處州府訓導王世芳年一百

七歲迎

皇朝文獻通考

卷七十六

集



鑾奉

旨賞給匾額並緞二疋提督武進陞年七十九歲迎

鑾

上命加恩賞伊子恩授一品廕生又江南在籍侍郎加

尚書銜沈德潛年九十浙江在籍侍郎加尚書銜

錢陳羣年八十皆出迎

聖駕

諭曰沈德潛錢陳羣耆宿也並以卿貳予告曩者省方

東南存問所及特晉尚書階優頒廩祿茲時巡莅至

一二臣咸扶杖迎謁耄耄而神明不衰惟國之瑞朕甚

嘉焉其各加太子太傅以寵異之沈德潛之子錢陳

羣之子各一人並賜舉人一體應禮部試二臣益忻

愉恬養以躋期頤副朕優高年眷舊臣至意並

命照尚書銜食一品俸

三十一年

優賞會試下第年老舉人品級職銜是春直省會試舉

人雲集京師

上念歷科舉人銓選壅滯

皇明文獻通考

卷七十六

七



特命分別揀選錄用廣為疏通復以年齒衰邁難以服  
官任事者並令查明奏請量予職銜以慰其寒臆攻  
苦之志尋據王大臣等奏各省舉人內驗看及自陳  
實在老邁龍鍾不堪民牧並不能司鐸者共六十餘  
名

上加恩八十以上者賞給六品京銜七十以上者賞給  
七品京銜六十以上及雖未六十而驗係實屬衰頹  
者賞給八品京銜并  
勅直省督撫於每科驗看截取舉人時其年在七十以

上者題請酌給翰林院典簿國子監典簿等官職銜  
用昭優老至意

三十五年安徽巡撫富尼漢奏太湖縣民朱憲章  
暨妻劉氏同登百歲

欽賜期頤偕老字樣照例給銀建坊

諭壽民朱憲章暨妻劉氏百歲同臻期頤偕老允為熙  
朝人瑞錫此嘉名用式間里仍賜御製詩章以示恩  
榮而光旌典並著賞給上用緞疋銀疋疋銀二十兩  
御製安徽太湖縣民朱憲章偕妻劉氏同登百歲大吏



請旌並成是什以賜

儘有老翁及耆媪未聞婦歲等夫年成雙大壽直希

觀覓匹寰區孰並肩四代孫曾聚庭戶一家耕讀樂

鄉田重熙喜值閭閻泰用紀人祥叶藻篇

是年春

上巡幸天津

諭朕恭奉

皇太后安輿巡幸天津承

歡祝

遐躋途所經麗眉皓首扶杖權仰足徵仁壽恬熙之瑞仰

蒙 聖意

慈豫宜霽恩施所有老民老婦著地方官照上次臨幸天

津加恩賞資之例賞資

諭原任浙江遂昌縣訓導王世芳前以俸滿引見因其

壽躋期頤尚堪司鐸加賞大品頂帶嗣於南巡迎駕

復經頒賜匾額緞疋以示優榮今行年百十有二歲

仍復精神矍鑠視履康強遠赴京師稱祝麗眉鶴髮

蹈舞班聯實為史冊所罕觀王世芳著加恩賞給國







因採多至三十餘人且有壽屆期頤嬰樂應試者亦甚  
慈慶章增光昭壽字而四民之秀受舉

福先先王瑞嘉徵實爲史冊所罕觀允宜宏敷渥澤用廣  
鴻庥所有本年會試舉子內年登百歲之李煒著賞  
給國子監司業職銜其八十以上之李珩周燮榮胡  
贊璫傅襄張葵王志宗桑淳趙銘王玠劉應薦吳觀  
俱著賞給翰林院檢討職銜七十以上之丁福隆胡  
銘揚宣猷新增王熊應温瑗何孫詒許進益張士景  
間循中徐閔章徐勉吳光昇葛涵高宏謀温朝榮俱

著賞給國子監學正職銜俾耆儒膺秩成遂夙懷以  
彰推

恩引年之至意

御製江西興安縣舉人李煒年躋百齡來應

萬壽恩科會試二場納卷神采倍增洵爲熙朝上瑞雖放  
榜未經入彀特賜國子監司業職銜加賞內府緞疋  
並親製詩以紀盛事

人瑞期頤儘有云春闈應試未曾聞三場竟得全文  
字一命應教獎茲勤雅化育材欣壽世宏恩錫類祝



慈雲瑞知欽笑胡安定年朝會昌最出羣世宗恩賜  
八江西巡撫海明奏興安縣未會開三恩賞得全交  
欽賜舉人李焯現年一百歲李焯已經奉

旨賞給國子監司業職銜又蒙業鄉論以賞丙科舉人  
賞緞疋并加三恩賜者前未計會同武恩賜上誥進  
御賜詩章特昭寵異應否仍照舊例給與建坊銀兩并  
昇平人瑞字樣恭候

欽定奉

諭旨照例賞給

又

諭今歲恭遇

聖母皇太后八旬萬壽特開鄉會恩科俾懽洽彙征永為  
例事其年臻耄耋者業於今春榜後視其齒序恩予  
職銜

沾

慶澤益廣

慈禧著於明歲春闈後仍照丙戌年之例將應試舉人分



別等第揀選引見錄用俾得乘時筮仕以示獎勵  
彭錫類作人之至意

出又

諭本年恭逢士林最盛而選舉賢才之與亦當合其同

聖母皇太后八旬萬壽慶洽敷天推廣

慈仁施恩者士茲當順天鄉試士子踴躍偕來其中皓首  
龐眉較上科倍盛榜後雖未獲雋念其耆年尙赴場  
屋壯志足嘉而

福錫儒林益徵上瑞著加恩將應試諸生年在八十以上

之張文達蘇之洙張靜深七十以上之邵無逸張淑

瑗李峰段名時張純仁戈熙勳沈岱石震張淑琪趙

彥美楊煜及前日鄂寶奏到山西省八十以上入場

之喬玉桂本日何燭奏到河南省八十歲之甯維祺

俱賞給舉人一體會試俾遂其觀光夙願並昭壽考

作人有加無已之至意

又諭今年恭遇

皇太后八旬萬壽恩施廣被歡洽耆儒業經降旨將

皇太后八旬萬壽恩施廣被歡洽耆儒業經降旨將



及山西河南各省應試舉子年臻耄耋者特賜人  
用彰作人上瑞今據裴宗賜奏江南應試貢生朱相  
翟天衡俱年在八十以上奮志觀光等語朱相翟天  
衡俱著加恩賞給舉人一體會試俾得遂志沾榮以  
昭實錄舉人一體會試海峽共贈光尺願並即壽考  
慶澤之福王封本日回國奏陞河南省八十歲之壽新加  
又美欽欽文前日得慶壽陞山西省八十以上入場  
諭據德保奏廣東省本年鄉試有肇慶府之開平縣生  
員張次叔年已九十四歲二場完卷張次叔年踰九

慶澤

旬尙能康強應試者一體加恩賞給舉人副朕推

恩引年至意

又

諭今年恭遇

皇太后八旬萬壽覃敷恩慶歡洽耆儒據富明安等奏湖  
北省應試貢生魯道傳年八十歲精神矍鑠願切觀  
光魯道傳著加恩賞給舉人一體會試俾得遂志沾  
榮以昭

慶澤



又

諭據周元理奏東試文闈應試諸生內有九十以上之  
董書宗郭毓麟八十以上之孫斐並各精神矍鑠妥  
協完場洵稱熙朝上瑞本年恭遇

聖母八旬萬壽東省復有高年勵志從事棘闈者自當令

其同沾

慶澤董書宗郭毓麟孫斐俱著加恩一體賞給舉人副朕

推

恩引年之至意

又

諭據勒爾謹奏本年陝省鄉試有華陰縣生員張溟年  
八十四歲西安府學生員楊生華年八十一歲均鼓  
舞觀光文藝完整今歲恭逢

聖母皇太后八旬萬壽陝西之張溟楊生華俱以高年從  
事棘闈勵志可嘉著加恩一體賞給舉人俾得慰志  
叨榮以廣

慶澤

又



諭據永德奏湖南省本年鄉試有華容縣學生員涂丹  
山安鄉縣學生員劉志潤年皆八十一歲考試完場  
精神矍鑠俱未中式等語今歲恭遇

聖母皇太后八旬萬壽所有湖南之涂丹山劉志潤等年  
赴試壯志足嘉著一體加恩賞給舉人副朕引年推

恩至意

又西安縣學生員謝華年八十一歲及  
賜二班九老宴遊香山旨朕念爾等華髮皓首  
命於次日赴

乾清門內令畫工艾啟家繪圖

諭據鍾音等奏興化府學增生柯俊彥年九十六歲應  
辛卯科鄉試三場完卷等語本年恭遇

聖母皇太后八旬萬壽順天等省鄉試耄年士子踴躍觀  
光節經加恩賞給舉人俾得各酬夙願今福建省之  
柯俊彥年近期頹鬢鑠應試雖未能獲雋而壯志殊  
堪嘉尚著一體加恩賞給舉人用彰儒林耆瑞

四十一年



諭兩金川現已奏凱集敷恭逢

聖母誕與巡幸山左詣

賞餘舉人因道謝林書

闕里告功兼以省方行慶道經畿輔所至者庶歡迎倍  
覲愛戴自宜首沛渥恩所有經過直隸州縣內男婦  
年七十以上者著該督查明照從前恩詔之例分別  
賞賚

又

諭朕因武功者定祇奉

慈輿延

內合書工女

禧泰岱並詣

闕里告成蹕路所經過州縣黃髮龐眉扶携迎迓具徵

親愛忱悃宜施渥澤以廣

慈仁所有山東省經過州縣內男婦七十以上者著該督

查明照從前恩詔之例分別賞賚其青州德州駐防  
男婦年七十以上者並著查明照例分別賞賚用昭  
卹老引年盛典

四十二年

論本年會試多士雲集觀光其中龐眉皓首頗不乏人



論且有齒齠耄耄扶策耆耄者實為昇平人瑞宜蒙  
澤用廣鴻庥所有本年會試舉子內九十以上之郭  
毓麟著加恩賞給國子監司業職銜其八十以上之  
魯道傳鄭兆球俱著加恩賞給翰林院檢討職銜此  
卅以上之石震趙彥美張廷謨萬邦獻朱鏡畫俱著  
加恩賞給國子監學正職銜俾耆儒應試咸遂夙願  
以慰其寒臄績學之志

論向來鑾輅時巡每優賜高年粟帛以昭行慶况盛京

諸處乃

祖宗德澤培貽

累洽重熙引恬引養尤徵仁壽之庥茲蹕路經行多有年

踰耄耄龐眉皓首扶杖歡迎者宜沛恩膏以彰盛美  
所有奉天等處旗民男婦及官兵母妻七十以上者  
各給布一疋米五斗八十以上者給絹一疋米一石  
九十以上者倍之百歲者加賞大緞一疋彭緞二疋  
用示優老引年至意念其餘學官志士亦宜

四十四年



論本年恩科順天鄉試諸生中年臻耄耄者頗爲踴躍  
觀光榜發俱未獲雋念其績學有志至老弗衰宜沛  
渥恩以廣化澤著加恩將應試諸生年八十以上之  
生要績李蓮張廣基李天民董斌許祖健康姚李成  
俱賞給舉人一體會試俾皓首寒儒得償夙願用昭  
嘉惠耆年之至意

又

諭前據三寶奏本年恩科應試士子內郭鍾岳一名年  
九十九歲陳應騰等二八均年逾八旬又據畢沅奏

應試舉子郭元標等五名皆八十以上舒常奏應試  
士子章彥一名現年八十伊等疊序寒儒齒臻耄耄  
尙赴場屋壯志足嘉今各省榜發該生等俱未獲雋  
宜敷渥澤以廣作人郭鍾岳陳應騰宋耀謝士蒙郭  
元標劉夢花馮書佐徐常淳牛文連章彥俱著加恩  
賞給舉人一體會試俾遂其觀光夙願用昭獎惠耆  
年之至意

其一

又

諭據鄭大進奏麻城縣生員李封年八十三歲天門縣



論據李作朋年八十二歲本年文闈應試精力尚健  
三場完卷榜發均未中式李對李作朋俱著加恩賞  
給舉人准其一體會試用昭嘉惠耆年至意

賞文舉人一體會試用昭嘉惠耆年至意

論據陳輝祖奏豫省鄉試諸生於出闈後校對學冊尚  
籍查明澠池縣增生劉髦學年八十五歲准其監縣附  
生李欽元年八十歲西華縣附生索止任年八十二  
歲太康縣附生張光龍年八十三歲俱三場完卷未  
曾中式劉髦學李欽元索止任張光龍均著加恩賞

給舉人准其一體會試用昭嘉惠耆年至意

又

論據秦雄飛奏奉新縣歲貢生王聘年九十五歲本年  
文闈應試精神甚屬矍鑠三場俱如期完卷榜發未  
得中式王聘耄年應試允稱士林人瑞著加恩賞給  
舉人准其一體會試以遂寒臲績學之志

四十五年

上南巡

諭朕翠華南莅行慶施惠所有經過直隸山東二省凡



老民老婦著加恩賞資用示優老引年至意

又

諭朕翠華南在愷澤勞敷而優卹高年恩施宜渥所有  
江南浙江二省老民老婦俱著加恩賞資

又

諭此次南巡所有山東德州青州江南京口杭州乍浦  
等處駐防之老民老婦著加恩一體賞資用宣慶澤

御製亳州壽民陳洪如壽百六歲妻王氏壽百一歲詩

以紀瑞

壽民壽婦本常披百歲同登鮮見之山左廣東各一

閱嶽疆歛屬兩逢奇夫耕婦織胥良善子繞孫圍篤

慶禧偕老期頤述茲四旌揚合與異恩施

又

諭據李湖奏零陵縣學附生王繼梁年九十歲常德府

學附生文人年八十五歲衡山縣學附生朱瑞年八

十二歲安鄉縣學附生熊世焱年八十二歲衡陽縣

學附生王寅年八十一歲黔陽縣學附生邱慈年八

十一歲三場完卷未經中式等語王繼梁文人



肅世孫王寅邱慈俱著加恩賞給舉人准其入  
試用昭嘉惠耆年敷錫春祺至意學州坐江蘇平人  
十又志安魯禮部主煎世孫平八十二歲南陽  
諭此次在淨慈寺接駕之紳士萬承式等十六員均年  
過古希龐眉皓首矍鑠可嘉俱著加恩各賞緞二疋  
其老民內之魯文元章傅奇俱壽屆期頤尤爲昇平  
人瑞魯文元著賞緞四疋章傅奇著賞緞二疋鄭華  
玉亦年近九旬著賞緞二疋以示優賚其王進清等  
五名著各賞緞一疋

又  
論據三寶奏上年福建省欽賜舉人郭鍾岳年百歲又  
陳應騰年八十八歲宋耀年八十五歲該舉人等情  
殷感激現由福建來至浙省謝恩郭鍾岳等以海隅  
寒峻年臻大耋茲因翠華南莅遠涉迎鑾著各賞御  
書墨刻緞二疋荷包一對郭鍾岳壽躋百齡尤爲熙  
朝人瑞著加恩賞給進士以示優眷耆儒至意

至四十九年又  
賜國子監司業銜郭鍾岳詩



登奏壽百四來程里正詩誠云天下老疑是地行仙  
忱惻足嘉矣精神尚躍然恩榮司業表酬爾乾芸翁  
又

諭本年恩科會試各省士子雲集觀光其中龐眉皓首  
挾策借來者多至三十餘人實為熙朝盛事宜加優  
澤用廣作人石震萬邦獻朱鏡已加恩賞給國子監  
學正銜所有年八十以上之李實生等五名俱係鄉  
試中式舉人著加恩賞給翰林院檢討銜其劉聖學  
等二十人俱係上年鄉試未經中式欽賜舉人著與

年七十以上之吳兆魁等五名一體加恩賞給國子  
監學正銜俾耆儒膺秩各遂夙願以彰推恩引年之  
至意

又  
諭本年順天鄉試諸生中二場完卷年屆八十者孟盼  
等九名榜發俱未中式念其踴躍觀光至老弗衰宜  
沛渥恩以廣化澤著加恩將孟盼等俱賞給舉人准  
其一體會試用昭嘉惠士林至意



諭本年各省鄉試據該督撫奏應試士子內有年八十  
九十以上者三場完卷榜發未經中式念其踴躍觀  
光至老弗衰宜沛渥恩以廣化澤所有江南省之吳  
球等七名江西省之鄭忠亮等三名湖北省之沈聚  
奎廣東省之張衍說等五名并中式副榜之楊最德  
雲南省之錢兆基周世德俱著加恩賞給舉人一體  
會試用昭嘉惠士林之至意

又

諭據富綱奏本年閩省鄉試有侯官縣廩生林朝綱現

年八十六歲連江縣附生黃建洛現年八十二歲二  
場完竣俱未中式林朝綱黃建洛俱著加恩賞給舉  
人一體會試

又

諭四川阜和協副將馬詔蛟前在軍營曾經出力本日  
兵部將該員帶領引見詢知伊母曾氏年逾百齡實  
爲昇平人瑞著加恩賞給御書匾額並上用緞四疋  
貂皮六張用示優獎仍令該員卽速回任侍養伊母  
以昭朕嘉惠耆年之至意



四十七年

諭獎守伺之母呂氏年逾七表著加恩賞給御書匾額

并大綬二疋貂皮四張

四十八年

諭金門鎮總兵羅英之母年逾八旬著加恩賞給二

疋貂皮四張

八十四十九年

諭據保寧奏四川達州民人張子翼現年百歲五世同

堂一摺張子翼壽享期頤曾元統滕洵為昇平人瑞

宜加恩資以示寵榮茲親製詩章御書匾額以賜其

應賞給銀兩緞疋及建坊之處著該部照例具題

御製四川達州百歲壽民張子翼五世同堂詩以賜之

西川特地報嘉祥衍慶頤齡人姓張

署四川總督保寧奏報達州民

張子翼現年百歲有子三人孫八人曾孫六人元孫

三人百歲壽民五世同堂尤為昇平瑞應因御書頤

齡衍慶匾額並一老百年登壽表元孫五代喜同堂

成此什以賜

太和元氣  
天庥沐寰宇熙春  
祖德昌際此繁滋仁壽世益履懷念無違違



萬壽聖節 五十年 嘉慶廿五年 皇祖於壬寅歲舉行千叟宴實從古未有之

諭新應舉行千叟宴所有與宴之官員兵民年在九十

以上者俱准其子孫一人扶掖入宴其文武大臣年

逾七十者令其自行揣量如步履稍難亦准其子孫

一人扶掖入宴以示朕優待耆年有加無已之至意

御製千叟宴詩恭依 嘉慶廿五年 皇祖於壬寅歲舉行千叟宴實從古未有之

皇祖原韻 嘉慶廿五年 皇祖於壬寅歲舉行千叟宴實從古未有之

抽秘無須更聘妍惟將實事紀耆筵追思侍陞垂

日 皇祖於壬寅歲舉行千叟宴實從古未有之 諸皇子賜觴

以示 慈惠至年未及歲之皇子皇孫並 命

侍立觀禮余時年甫十二躬逢 嘉會親見耆筵

慶錫龍光燕譽之隆閱 訝至當軒手賜年 今歲乙巳

今乙巳凡六十四年矣 皇祖盛典於新正初六日再舉千叟

十年恭依 皇祖盛典於新正初六日再舉千叟

宴禮其有年屆九十及一品大臣以上皆召至御筵

前手賜之觴以昭 天恩 君酢臣酬九重會

天恩國慶萬春延 嘉慶廿五年 皇祖於壬寅歲舉行千叟宴實從古未有之

祖孫兩舉千叟宴史冊饒他莫並肩 嘉慶廿五年 皇祖於壬寅歲舉行千叟宴實從古未有之

臣 等謹按康熙五十二年三月

萬壽聖節

聖祖仁皇帝命賜老人宴六十一年正月



賜千叟宴惟時麗眉皓首感悅  
鴻慈共升熙皞

皇上臨御五十載照五十二平三民  
壽進古稀法

祖錫釐寵茲黃髮於上春六日修舉千叟筵宴優老崇年

於斯彌烈凡期頤耆耄沐浴

聖澤者莫不醉酒飽德咸欽我

皇上壽考作人率

祖典以迓

天庥依古以來未有比隆於

今日者也若夫著三老五更之義闢父事兄事之誼

則又

聖天子稽古之精俾千百世昭若發蒙也豈不盛哉

五十年

諭李承鄴奏江西龍泉縣民古朝爵現年百歲五世同

堂古朝爵壽享期頤曾元纒膝洵為昇平人瑞宜加

恩以示寵榮并親製詩章御書匾額以賜仍給賞緞

疋銀兩建坊旌表



御製江西龍泉縣百歲壽民古朝爵五世同堂用賜四  
川壽民張子翼詩韻賜之舊書以顯其壽

作善應知降百祥江西古並四川張已看躋壽百年

三世永

龍泉壽民古朝爵生於康熙二十四年屆今年一  
百歲子孫曾元並萃一堂茲據該護撫奏報請旌

因御書匾額並用昨賜四川壽民張子翼百歲五世  
同堂詩韻以賜新春集慶頌詠繁禧實為昇平盛事

夫耕婦織一家昌新春頌詠繁禧句祇益持盈敬莫

違

天

諭劉秉恬奏雲南阿彌州民王國炎現年一百三歲請

旨旌表王國炎壽過期頤孫曾繞膝洵為昇平人瑞

宜加恩賚以示寵榮茲御書匾額以賜仍給賞緞疋

銀兩

等謹按視學之典肇自禮經我

朝

列聖相承文明蔚起

皇上右文稽古作

君作



御極以來歲舉

聖經苑闡揚遂學

躬親釋奠重道崇師後以

京師首善之地教化所先

特命增建辟雍

親臨講學明萬古五倫之要體自強不息之心猶歎盛

旨哉此卽國文書院

皇上臨御五十年來統理萬幾兢兢業業常如一日之

聖心也凡在侍講臣工園橋觀聽之倫罔不鳧跂雀躍

歡欣無已煌煌

至訓誠發千古未發之旨矣又豈漢永平之徒事鋪張

者所可比哉所有行禮儀節宣講經義臣敬謹書

上曰載至辟雍規制詳載太學茲不贅述

五十年二月壬午

皇上釋奠於

先師禮畢

御彛倫堂更袞服各官咸更蟒袍補服屆時禮部堂官



禮樂奏諸夏矣明各官宜更勉厥所漸知風氣漸開  
皇天降祥雍行講學禮

皇上帝降祥雍殿陞

寶座滿漢大學士講大學為人君止於仁十句

上曰此雖言文王之止於至善而實訓萬古五倫之要  
道也夫文王固身歷爲君臣父子與人交而各盡其  
善矣試思人孰不在五倫之中而各有當止於其善  
之道乎是故爲君者匪惟博施濟衆以爲仁卽癩惡  
躬教之義亦必當本於仁而出之所謂止也人臣之

敬詎其夙夜匪懈恪恭承旨之謂卽繩愆糾謬陳善  
閉邪亦必當本於敬而出之所謂止也生事死葬祭  
之以禮人子之止於孝蓋終身之事非謂無父母卽  
無子之止於至善也若夫父之曰嚴似殊乎母之慈  
而不知父之嚴正所以行其慈也至於兄友弟恭夫  
唱婦隨皆與人交之義而朋友之信固該其中矣余  
固云此雖言文王之止於至善而實訓萬古五倫之  
要道也滿漢祭酒講周易天行健君子以自強不息

十一節



上曰天者日一周是行健也然天之運行終古不息不  
惟不息蓋並不息亦無意於其間所謂健也此應與  
中庸至誠無息並觀之所謂誠者天之道也若夫法  
天之君子乃誠之者人之道然亦不外自強不息而  
已蓋天之不息無爲而爲人之不息則在自強自彊  
者必本於克己復禮人十已千成已成物胥在乎是  
聖人之言非特爲爲君者言蓋人人皆有法天之道  
而爲人君者益當夕惕朝乾孜孜矻矻不遑暇逸以  
是爲亟耳講畢

皇上賜王公衍聖公大學士九卿詹事茶禮畢

皇上起座乘輿出太學門祭酒司業率所屬官暨進士

舉人諸生跪送候

駕過各官咸退如儀

御製三老五更說

三老五更之說不見於詩書其見於禮記者蓋出乎  
漢儒非孔子之言惟左傳三老凍餒之文爲最古然  
傳謂公聚朽蠹而三老反不見養遇非與五更相提  
並論也註三老五更者多矣或謂上中下壽或謂工



商農而不及五更或謂明天地人與五行之事或謂  
取象三辰五星或謂之三德五事者各以臆度不堪  
樓指矣至蔡邕獨斷乃有父事兄事之說而白虎通  
之謬直以為老更各一人而且曰父一而已不宜有  
三吁可怪哉天子養老即所以教孝於天下何至以  
父事之且即其說父一而已則天子已自有父今復  
事一人是非一父乎腐儒執虛文而謬大義真不值  
一噓耳邕復解更為妻謂亥豕之訛夫妻與老同既  
有老又何藉妻為哉予以為三者天地人之數養老

自以三舉其數耳若夫五更則更事之說為近而五  
倫五常莫不具於此人數不必其備行之以敬誠愷  
悌則中和位育將在是矣後儒一切穿鑿之論何足  
數哉

御製三老記

予既為三老五更之說以闢諸家之謬然以三老之  
稱數典於左氏其何以稱三老則求其解而終不得  
其辭茲以三餘之暇書辟雍詩冊有三老之語臨池  
下恍然悟曰三老之言實出孟子所謂老而無妻者



而無夫老而無子此非三老而何孟子雖出在後  
而此語自由古以傳散卽繼之曰文王發政施仁必  
先斯四者可知文王時卽有三老之稱左氏提其綱  
孟子晰其目耳且晏子對叔向歎齊之將爲陳氏所  
云公棄其民三老凍餒乃指一國鰥寡獨窮之民之  
無恤者設以上壽中壽下壽論之豈八十以下之老  
卽可以弗恤乎其餘傳會之論愈說愈遠然總於辟  
雍養老與賢有何涉乎自是而三老之稱徧於鄉閭  
所謂三老董公壺關三老之類不一而是蓋耆艾而

長於鄉者卽可稱三老而非定三人也夫子三老五  
更之說成於戊戌逮今又六年求其說而不得而筆  
下偶得之是不可以不記且此六年中何嘗不讀孟  
子而未有會茲偶會之益見理不可不日窮書不可  
不日讀筆渠呈已之是顯人之非以爲博聞廣識而  
已哉

是年二朝昏齋四人其壽數百餘會示蘇軾成爲

論朕仰承

計軍數總彙奏共一百六十一內有英

天眷上年喜得五代元孫嘉慶駢臻恩施宜渥因令各







戶口豈殊今古懸瑞因版籍按民傳黔黎滋感

喜衣食謀艱厪可憐戶口滋盛實為從古未有如此保

泰之所增以六家得二百五代同堂者得百九十四

矣較之四代異天淵前命查四庫全書內自古見元

等六家蓋彼皆土籍是以記載得及若編戶齊民豈

能如今日之按籍而稽此馬遷所以致羨於青雲也

然若茲得百九十四立名誠豈之間巷所以青雲美

御製據各督撫奏報壽登百齡而五世同堂者復得四

家仍用賜張子翼前韻成什分書賜之

紀年五十承

天眷述

祖乾清叟宴張彙報遂教來續續

上年因慶得五代元孫

孫者咨報彙奏嗣據四川總督特奏達州張子翼江

西巡撫特奏龍泉縣古朝爵均以百歲壽民五世同

堂因親製詩章並御書匾以賜其各省陸續彙咨五

世同堂者凡一百九十二家而百歲五世同堂又得

四特章豈獨讓堂堂京畿齊粵四氏得直隸順義縣

聊城縣張羽歷城縣劉湘廣西桂平縣生員鍾君寵

四人皆壽登百齡曾元五世因仍用前韻成什並各

皇明文獻通考

卷之二十一

七



是年春...  
諭大學士蔡新老成端謹品學兼優由乾隆元年選至  
洵涉卿班典司胄監簡任綸扉在上書房行走為諸  
皇子總師傅朕視其年齒雖增精神不減正資倚畀  
茲以衰疾奏請解職回籍調理情詞懇切覽奏彌眷  
於懷第念伊年近八旬閩省又距京路遠不忍重拂  
其意勉從其請以原官致仕並晉加太子太師親製  
詩章以寵其行仍於朕巡幸熱河啟鑾送駕後再行  
東裝給驛回籍沿途經過地方官在二十里以內著

照料護行俾得安適歸里怡志林泉蠲疴頤養以示  
朕優眷耆臣至意

御製送原任大學士蔡新歸里

不忍言留合令歸及歸言別又依依忠舒贊理登黃  
閣醇藉授經近紫微尚計一旬萬幾勅顧瞻左右老  
臣稀心交豈在形容際榻下閩山是也非

建坊旌表

五十年

諭福崧奏海寧州民顧均玉現年一百一歲顧武恭現



年一百四歲又天台縣民林均治現年一百五歲  
旨旌表顧均玉等年逾百齡精神矍鑠洵爲昇平人  
瑞其應旌表及賞給緞疋銀兩著該部照例具題

臣又查交量查洪容劉階平閩山張也非

諭何裕城奏陝西長安縣民孟世強現年一百三歲世  
安耕鑿請旨旌表孟世強年逾百齡精神矍鑠素行  
淳良洵屬昇平人瑞著照例旌表以示嘉惠耆齡之  
意

臣又查交量查洪容劉階平閩山張也非

諭特成額奏湖南芷江縣民周仲珍現年一百二歲精  
力強健應請旌表周仲珍年逾百齡精神矍鑠洵屬  
昇平人瑞著准其照例旌表以示嘉惠耆齡之意







